

SESIÓN EXTRAORDINARIA URXENTE DO CONCELLO PLENO

27/XUÑO/2001

SUMARIO

- 1.- DECLARACIÓN DA URXENCIA DA PRESENTE CONVOCATORIA
- 2.- RECLAMACIÓNS Ó PROXECTO DO ORZAMENTO MUNICIPAL PARA O ANO 2001

Na Casa do Concello de Redondela, sendo as vinte horas e trinta minutos do día **vinteseite de xuño do ano dous mil un**, baixo a Presidencia do Sr. Alcalde-Presidente, D. XAIME REI BARREIRO, e a asistencia dos/as Sres/as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA M^a DEL PILAR MARTÍNEZ GONZÁLEZ, DONA M^a DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, DONA M^a. DEL CARMEN RODRÍGUEZ RIVAS, D. MANUEL RAMÓN CONDE ROMERO, D. EMILIO SÁNCHEZ SANTORIO, DONA AURORA ALONSO MONTEAGUDO, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. PABLO REBANAL ALFAYA, D. SALVADOR FERMIN PINTOS FERNANDEZ, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUIS GRANDE GRANDE e DONA ÁNXELES GONZÁLEZ GÓMEZ, actuando como Secretario D. JOSÉ RIESGO BOLUDA, Secretario Xeral, por acumulación, deste Concello, constitúese o Pleno do Concello, en sesión extraordinaria urxente, conforme á convocatoria e de acordo coa orde do día.

1.-DECLARACIÓN DA URXENCIA DA PRESENTE CONVOCATORIA

En virtude do sinalado no artigo 79 do Real Decreto 2568/86 de 28 de novembro e previa exposición polo Sr. Alcalde das razóns que motivan a urxencia. Os Concelleiros asistentes por unanimidade, acordan a apreciación da urxencia mencionada.

2.-RECLAMACIÓNS Ó PROXECTO DO ORZAMENTO MUNICIPAL PARA O ANO 2001.

ANTECEDENTES

En sesión ordinaria celebrada polo Concello Pleno, en data 29 de maio de 2001, aprobouse provisoriamente o orzamento Xeral do Concello de Redodela para o exercicio 2001 (no que figuran integrados xunto co orzamento do Concello os dos dous organismos autónomos administrativos), as súas bases de execución, a memoria da Alcaldía e memoria económico financeira, a Enmenda formulada polo Presidente da Comisión, Liquidacións dos orzamentos do Concello dos exercicios de 1999 e 2000, o cadro de persoal, anexo de investimentos, créditos a recoñecer extraxudicialmente e demais documentación engadida no expediente.

Serie A N.º 1176048

No Boletín Oficial da Provincia num. 110, de data 8 de xuño de 2001, publícase anuncio polo que se somete a información pública o orzamento citado.

O día 12.06.01 don Manuel Conde Romero "concejal portavoz del grupo municipal del Partido Popular" solicitou, baixo rexistro de entrada 4.573 que de conformidade coa art. 173 do ROF e concordantes, e evacue informe previo do Secretario e Interventor Municipal con respecto á legalidade de aprobación do orzamento Municipal para o ano 2001.

O día 12.06.01 don Manuel Conde Romero "actuando como Portavoz del Grupo municipal del Partido Popular" presentou no rexistro xeral deste Concello rexistrándose co número 4.574 unha "alegación" ao orzamento citado.

O día 27.06.01 don Ramón Rodríguez Carrera, presentou no rexistro xeral deste Concello rexistrándose co número 4.574 unha "alegación" ao orzamento citado.

Con data 27.06.01 o Secretario por Delegación deste Concello, expide certificación na que se fai constar que até as 14:00 horas do día 27 de Xuño de 2001, recibíronse no rexistro xeral do Concello as reclamacións ao orzamento xeral deste Concello para ano 2001, presentadas por don Manuel Conde Romero e D. Ramón Rodríguez Carrera, en data 12.06.01 e 27.06.01, baixos números de rexistro entrada 4.574 e 4.918, respectivamente.

En data 27.06.01, con referencia T93/01, polo Sr. Interventor Xeral do Concello, emitíse informe no que se fai constar:

<<Modesto Solla Sanz (funcionario da escala de habilitación de carácter nacional, subescala Intervención-Tesourería, categoría superior) Interventor Xeral do Concello de Redondela, con número de rexistro de persoal 3602143157 A3013, vista a reclamación ao orzamento xeral formulada por don Manuel Conde Romero, así como a solicitude de informe da citada persoa, emítese o correspondente informe.

INFORME DO INTERVENTOR

ASUNTO.-

Reclamación ao orzamento xeral do Concello de Redondela para o exercicio do ano 2001 formulada por don Manuel Conde Romero, e solicitude de informe da citada persoa.

LEXISLACIÓN E NORMATIVA APLICABLE BÁSICA.-

* (LRBRL) artigo 47.1 da lei 7/1985 do 2 de abril, reguladora das bases de réxime local (BOE número 80, do 03.04.85)

* (LRFL) artigos 54, 147, 149 ao 152, e 195 ao 198 da Lei 39/1988 do 29 de decembro, reguladora das facendas locais (BOE número 313, do 30.12.88).

* (LRX-PAC) artigo 62 da Lei 30/1992 do 26 de novembro, de réxime xurídico das administracións públicas e do procedemento administrativo común (BOE número 285, do 27.11.92).

* (RDO) artigos 18.3, 20, 22 e 23 do Real Decreto 500/1990 do 20 de abril, polo que se desenrola o capítulo primeiro do título sexto da Lei 39/1988 do 28 de decembro, en materia de orzamentos (BOE número 101, do 27.04.90).

* (RFHN) artigo 4.1.a) do Real Decreto 1174/1987 do 18 de setembro, polo que se regula o réxime xurídico dos funcionarios de administración local con habilitación de carácter nacional (BOE número 233, do 29.11.87).

* (ROF) artigos 163 ao 179 do Real Decreto 2568/1986 do 28 de novembro, polo que se aproba o regulamento de organización, funcionamento e réxime xurídico das entidades locais (BOE número 305, do 22.12.86).

* (TRRL) artigo 54.1.b) do Real Decreto Lexislativo 781/1986 do 18 de abril, polo que se aproba o texto refundido das disposicións legais vixentes en materia de réxime local (BOE números 96 e 97, do 22 e 23.04.86).

Parte da lexislación indicada foi modificada puntualmente en diversas ocasións, citándose neste informe os textos na súa redacción vixente a día 27.06.01.

ANTECEDENTES.-

O día 29.05.01 en sesión ordinaria celebrada polo Pleno do Concello de Redondela aprobouse provisoriamente o orzamento xeral para o ano 2001 (páxinas 333 á 337 do expediente administrativo correspondente ao orzamento citado).

No Boletín Oficial da provincia de Pontevedra número 110, do día 08.06.01, publicouse o anuncio de exposición ao público do orzamento citado (páxina 340 do expediente administrativo do orzamento xeral do Concello de Redondela para o ano 2001).

O día 12.06.01 don Manuel Conde Romero "concejal portavoz del grupo municipal del Partido Popular" solicitou (registro de entrada número 4.573):

"Que de conformidad con el artº 173 del ROF y concordantes, se evacue informe previo del secretario e interventor municipal con respecto a la legalidad de la aprobación del Presupuesto Municipal del año 2001".

O día 12.06.01 don Manuel Conde Romero "actuando como Portavoz del Grupo municipal del Partido Popular" presentou no rexistro xeral deste Concello (entrada número 4.574) unha "alegación" ao orzamento citado.

INFORME.-

Vistos os escritos presentado por don Manuel Conde Romero, indicados nos antecedentes deste informe, ao abeiro do establecido nos artigos 195 da LRFL, 54.2 do TRRL, 173.2 do ROF e 4.1.a) e h) do RFHN faise constar:

Serie A N.º 1176049

Primeiro.- O escrito da "alegación" presentouse dentro do período de exposición ao público do orzamento xeral do Concello de Redondela para o ano 2001.

Segundo.- No artigo 151.1 da LRFL (así como no artigo 22.1 do RDO) indícase que terán a consideración de interesados aos efectos da presentación de reclamación ao orzamento xeral:

"(...)

- a) Los habitantes en el territorio de la respectiva Entidad local.
- b) Los que resulten directamente afectados, aunque no habiten en el territorio de la entidad local.
- c) Los colegios oficiales, cámaras oficiales, sindicatos, asociaciones y demás entidades legalmente constituidas para velar por intereses profesionales o económicos y vecinales, cuando actúen en defensa de los que le son propios".

Malia non incluír a literalidade dos supostos de lexitimación indicados nas normas citadas aos concelleiros e concelleiras como interesados para formular reclamacións.

Tendo en conta que o reclamante (formalmente "alegante") habita neste termo municipal e dado que os "habitantes en el territorio de la respectiva Entidad local" (artigo 151.1.a da LRFL e 22.1.a do RDO) terán a consideración de interesados.

Por todo o indicado, sen entrar noutas consideracións (e mantendo idéntico criterio ao indicado nun informe deste Interventor a unha reclamación presentada por outro portavoz ao orzamento xeral deste Concello para o ano 1996, informe do día 27.11.96 referencia T 27/96 RO, páxinas 373 á 383 do expediente administrativo referido ao orzamento xeral do Concello de Redondela para o ano 1996) estímase que o reclamante (formalmente "alegante") ten a consideración de interesado aos efectos de presentación de reclamación ao orzamento xeral deste Concello para o ano 2001.

Terceiro.- No artigo 151.2 da LRFL (así como no artigo 22.2 do RDO) establécese que:

"2. Únicamente podrán entablarse reclamaciones contra el presupuesto:

- a) Por no haberse ajustado su elaboración y aprobación a los trámites establecidos en esta Ley.
- b) Por omitir el crédito necesario para el cumplimiento de obligaciones exigibles a la Entidad local, en virtud de precepto legal o de cualquier otro título legítimo.
- c) Por ser de manifiesta insuficiencia los ingresos con relación a los gastos presupuestados o bien de éstos respecto a las necesidades para las que estén previstos".

O reclamante presenta unha "alegación" na que, na súa primeira parte (anterior ao indicado para o epígrafe "de carácter jurídico-formal") formula diversas preguntas, propón diversas medidas efectivas e peticións que, dado o seu carácter e ao non corresponder expresamente a ningún dos supostos de reclamación contra o orzamento



EL NUMERADO
CORPORACIONES
LOCAIS

taxativamente enumerados no artigo 151.1 da LRFL e 22.2 do RDO, non serán obxecto de análise por este Interventor neste informe.

Cuarto.- Tendo en conta que (entre outras cuestións) na primeira parte da reclamación faise referencia a un "plan de saneamiento de la hacienda municipal", ao "Texto regulador de la Ley de la Gestión Pública (TRLGP)" ás subvencións públicas así como á planificación, faise constar:

- a) Legalmente non é preceptiva a tramitación, aprobación, aplicación e seguemento de ningún plano de saneamento financeiro no Concello de Redondela dado que o aforro neto contable e formal non é de signo negativo (artigo 54 da LRFL).
- b) As referencias a un plano de saneamento económico e financeiro do Concello de Redondela efectuadas por este Interventor no informe ao orzamento xeral para o ano 2001, así como en informes a orzamentos anteriores, están fundadas na conveniencia económica, orzamentaria e financeira do citado plano, non na súa imperatividade legal formal.
- c) A este Interventor non lle consta a existencia na lexislación española, estatal ou autonómica, de ningún "Texto Regulador de la Ley de la Gestión Pública (TRLGP)", texto expresamente indicado polo reclamante en relación ás subvencións (e que deberá corresponder ao Real Decreto Lexislativo 1091/1988, do 23 de setembro, polo que se aproba o texto refundido da Lei xeral orzamentaria, BOE número 234, do 29.09.88, correspondendo a cita a parte do artigo 81.2.a. da citada Lei).
- d) Son numerosos os informes deste Interventor a expedientes administrativos referidos a subvencións públicas, facéndose referencia aos mesmos no informe ao orzamento xeral para o ano 2001; sendo así mesmo numerosos os informes deste Interventor nos que se fai referencia á conveniencia económica, orzamentaria e financeira da planificación a corto, medio e longo prazo.
- e) En todo caso, e sen prexuízo de reiterar a conveniencia (non a imperatividade legal formal) de elaborar, aprobar, aplicar e seguir un completo, estricto e riguroso plano de saneamento económico e financeiro no Concello de Redondela, dentro da necesaria planificación a corto, medio e longo prazo, e malia ser aspectos con repercusión económica, contable e orzamentaria, non serían motivos para a posible estimación de reclamacións xenéricas ao orzamento xeral deste Concello para o ano 2001, reclamacións (indicadas na primeira parte do escrito de "alegacións" citado nos antecedentes deste informe) non fundadas en ningún dos únicos motivos de reclamación indicados taxativamente nos artigos 151.2 da LRFL e 22.2 do RDO (ver punto terceiro deste informe).

Quinto.- Sen prexuízo do indicado no punto anterior e tendo en conta que na primeira parte da reclamación (formalmente "alegación") conclúese afirmando que o "Presupuesto sea nulo de pleno derecho", e dado que no texto da reclamación non se indica expresamente o posible motivo ou motivos da posible nulidade de pleno dereito agás unha xenérica referencia ao "informe del interventor", informe que de corresponder ao referido ao orzamento xeral deste Concello para o ano 2001 (referencia T 57/01,

Serie A N.º 1176050

páxinas 197 á 326 do expediente administrativo) non se desprendería a existencia de nulidade de pleno dereito do orzamento xeral citado.

Así mesmo, visto o establecido no artigo 62 da LRX-PAC, non se aprecia a existencia de ningún motivo de nulidade de pleno dereito do "presupuesto" deste Concello para o ano 2001; todo elo sen prexuízo do que, no seu caso, poidese establecer unha posible sentenza xudicial firme ao respecto.

Sexto.- Visto o sinalado polo reclamante baixo o epígrafe "De carácter jurídico-formal", faise constar:

- a) Non se indica directa e expresamente a que apartado ou apartados do artigo 151.2 da LRFL (ou 22.2 do RDO) estaría referida a reclamación.
- b) Na reclamación transcríbese parcialmente o artigo 149 da LRFL (malia facerse referencia ao artigo 149.1), artigo no que se indica parte da documentación que deberá unirse ao expediente administrativo correspondente ao orzamento xeral.
- c) Na transcripción do artigo 149 da LRFL omítense polo reclamante íntegramente os puntos 3 e 5 do artigo citado.
- d) Non se indica expresamente polo reclamante se considera que é omitido no expediente administrativo algún ou algúns dos documentos indicados no apartado 1 do artigo 149 da LRFL; de ser así deberase ter en conta que todos eles constan no expediente administrativo citado, así:
 - 1) "Memoria explicativa de su contenido y de las principales modificaciones que presente en relación con el vigente" (artigo 149.1.a da LRFL); figura nas páxinas 1 á 4 do expediente administrativo.
 - 2) "Liquidación del presupuesto del ejercicio anterior y avance de la del corriente, referida, al menos, a seis meses del mismo" (artigo 149.1.b da LRFL); figura nas páxinas 60 á 75 do expediente administrativo.
 - 3) "Anexo de personal de la Entidad local" (artigo 149.1.c da LRFL); figura nas páxinas 54 á 59 do expediente administrativo; figurando, así mesmo, a relación de persoal de cada un dos dous organismos autónomos administrativos nas páxinas 76 á 82 do expediente administrativo.
 - 4) "Anexo de inversiones a realizar en el ejercicio" (artigo 149.1.d da LRFL); figura nas páxinas 49 á 53 do expediente administrativo.
 - 5) "Un informe económico en el que se expongan las bases utilizadas para a evaluación de los ingresos y de las operaciones de crédito previstas, la suficiencia de los créditos para atender el cumplimiento de las obligaciones exigibles y los gastos de funcionamiento de los servicios y, en consecuencia, la efectiva nivelación del presupuesto" (artigo 149.1.e da LRFL); figura nas páxinas 1 á 4 do expediente



administrativo; figurando, así mesmo o preceptivo informe deste Interventor nas páxinas 197 á 326 - incluíndo os anexos do mesmo-.

e) Con respecto aos recoñecementos extraxudiciais de créditos reiteráanse os reparos formulados no informe deste Interventor ao orzamento xeral (páxinas 197 á 326 do expediente administrativo).

f) O aforro neto actual do Concello de Redondela é formal e contablemente positivo; estando así mesmo formal e contablemente nivelado o orzamento xeral para o ano 2001 así como cada un dos tres orzamentos integrados no mesmo.

g) No informe deste Interventor ao orzamento xeral do Concello de Redondela para o ano 2001 cítanse ou transcríbense numerosos artigos de diversos textos legais en vigor, entre eles o artigo 60 do TRRL (ao que fai referencia o reclamante); debéndose ter en conta que as citas e transcripcions de textos e artigos non teñen en ningún caso carácter de "advertencia" (como indica o reclamante), e que as responsabilidades de calquera tipo e, especialmente, as penais (de existir) so poderán ser consecuencia de sentencias xudiciais firmes da xurisdicción competente.

h) Con respecto ao "plan de saneamento financiero" citado polo recurrente reitérase o indicado nos apartados a) e b) do punto cuarto deste informe.

Sétimo.- Con respecto á solicitude de informe "con respecto a la legalidad de la aprobación del Presupuesto Municipal del año 2001" faise constar:

a) No artigo 173 do ROF establécese que :

"1. Será necesario el informe previo del Secretario y además, en su caso, del Interventor o de quienes legalmente les sustituyan para la adopción de los siguientes acuerdos:

a) En aquellos supuestos en que así lo ordene el Presidente de la Corporación o cuando lo solicite un tercio de sus miembros con antelación suficiente a la celebración de la sesión en que hubiere de tratarse.

b) Siempre que se trate de asuntos sobre materias para las que se exija una mayoría especial.

2. Los informes que se emitan deberán señalar la legislación en cada caso aplicable y la adecuación a la misma de los acuerdos en proyecto".

Nos apartados 1 e 2 do artigo 54 do TRRL recóllese idéntica redacción á transcrita do artigo 173 do ROF.

b) A solicitude formulada por don Manuel Conde Romero non esta formalmente efectuada e asinada por un tercio dos concelleiros.

c) Na aprobación provisoria (única efectuada até esta data) do orzamento xeral deste Concello para o ano 2001, efectuada polo Concello Pleno o día 29.05.01, cumpríronse os

Serie A N.º 1176051

requisitos legalmente establecidos con respecto á aprobación citada, constando expresamente no correspondente acordo (páxinas 333 a 337 do expediente administrativo):

- A resolución, ao abeiro do disposto no artigo 198.2 da LRFL, de tódolos reparos formulados por este Interventor nun informe do día 18.05.01, referencia T 57/01, así como nos informes unidos ao mesmo nos anexos I ao IV -páxinas 197 á 326 do expediente administrativo- (punto primeiro do acordo adoptado polo Concello Pleno o día 29.05.01).
- * A aprobación provisoria do orzamento xeral do Concello de Redondela para o exercicio do ano 2001, bases de execución, memoria da Alcaldía e memoria económica-financieira, enmenda formulada polo Presidente da comisión informativa de economía, facenda e desenvolvemento local, liquidacións dos orzamentos do Concello dos anos 1999 e 2000, cadro de persoal, anexo de investimentos, créditos a recoñecer extraxudicialmente e demais documentación; figurando, así mesmo, o correspondente resumo por capítulos de cada un dos tres orzamentos integrados no xeral, así como do orzamento consolidado (punto segundo do acordo adoptado polo Concello Pleno o día 29.05.01).
- * Acordo de publicación de anuncio no Boletín Oficial da Provincia, BOP, a efectos de formulación de reclamacións (punto terceiro do acordo adoptado polo Concello Pleno o día 29.05.01); anuncio publicado no BOP número 110, do día 08.06.01 -páxina 340 do expediente administrativo-.
- * Acordo referido á aprobación definitiva do orzamento xeral no suposto de que non se presentaran reclamacións (punto cuarto do acordo adoptado polo Concello Pleno o día 29.05.01).

d) Consta, así mesmo, no expediente administrativo correspondente ao orzamento xeral para o ano 2001 o preceptivo informe deste Interventor (páxinas 197 á 328 do citado expediente), así como o preceptivo dictame da comisión informativa de facenda, economía e desenvolvemento local, do día 21.05.01 (páxinas 327 á 332 do expediente administrativo).

CONCLUSIÓNS.-

Primeira.-Sen prexuízo do indicado neste informe, e no correspondente ao orzamento xeral deste Concello para o ano 2000, que se reitera íntegramente (referencia T 57/01, do día 18.05.01, páxinas 197 á 326 do expediente administrativo), vista a reclamación (formalmente "alegación") ao orzamento xeral presentada por don Manuel Conde Romero "como portavoz del grupo municipal del Partido Popular", cumprindo o establecido no artigo 175.c) do ROF estímase que o Concello Pleno debería adoptar acordo, debidamente motivado, no que conste a seguinte ou similar parte dispositiva:

"Desestimar a reclamación formulada por don Manuel Conde Romero, como portavoz do grupo municipal do partido popular, ao orzamento xeral do Concello de Redondela para o exercicio do ano 2001".



NUMERADO
CORPORACIÓN
LOCAIS

Segunda.-En todo caso debería ter en conta tódalas posibles reclamacións que se formulen, no seu caso, durante o período de exposición ao público do orzamento xeral do Concello de Redondela para o ano 2001, debéndose adoptar acordo expreso referido ás mesmas así como á aprobación definitiva do orzamento citado, resolvéndose os reparos formulados por este Interventor no informe do día 18.05.01, referencia T 57/01, páxinas 197 á 326 do expediente administrativo.

Terceira.-Tendo en conta que o período de exposición ao público do orzamento xeral do Concello de Redondela para o ano 2001 remataría ás cero horas do día 28.06.01, a correspondente sesión do Concello Pleno para a aprobación definitiva -no seu caso- do citado orzamento debería ser (tanto por motivos legais, de seguridade xurídica, e de prudencia) posterior ao día 27.06.01, agardando un tempo prudencial antes de elaborar a correspondente certificación referida ás reclamacións formuladas, elaborar os correspondentes informes, dictaminar as reclamacións e aprobar definitivamente o orzamento citado.

Cuarta.-Con respecto á tramitación do expediente administrativo reitérase o indicado nas páxinas 275 á 277 expediente administrativo do orzamento xeral deste Concello para o ano 2001.

Quinta.-Na aprobación provisoria (única efectuada até esta data) do orzamento xeral deste Concello para o ano 2001, segundo o acordo adoptado polo Concello Pleno o día 29.05.01, cumpríronse os requisitos legalmente establecidos para a aprobación citada (ver punto sétimo deste informe).- >>

INCIDENCIAS:

Polo Secretario do Concello deusele lectura íntegra da reclamación presentada en data de 27.06.01 por D. Ramón Rodríguez Carrera.

INTERVENCIÓNS:

Pazos Docampo: O primeiro que hai que dicir respecto da alegación do PP é que esa reclamación non entra dentro dos supostos de reclamación que sinala a normativa aplicable, creo que a razón fundamental desa reclamación é a de entorpecer o funcionamento da Administración Municipal retrasando a aprobación do presuposto, nesa alegación faise alusión á deuda do Concello e o control do gasto, respecto desta volve a falar de gastos suntuarios e de gastos de representación, gastos estes nos que este Concello é extremadamente prudente máxime si os comparamos con gastos análogos que realizan outros Alcaldes de Concellos próximos do PP que chegan a cobrar 800.000 pesetas mensuais, tamén fala de subvencións caprichosas algo que non é verdade pois precisamente neste Concello este tipo de gastos esta regulamentado e non existen criterios aleatorios para a súa concesión, logo a alegación continúa falando de cuestións xurídico-formais, ¿a que se refire vostede con isto?, é mais, creo que todo ou case todo o que vostede di ten ese carácter, estou seguro que vostede a alegación a copiou dalgún outro sitio e ademais a copiou mal. Respecto da outra reclamación presentada considero que non debe perderse o tempo na súa consideración.

Conde Romero: Nos creemos que a aprobación do presuposto non se axusta á legalidade esa é a razón de que presentemos unha reclamación, é dicir, non é certo o que

Serie A N.º 1176052

vostede di de que o noso propósito é retrasar a súa aprobación, a aprobación retrasouse porque vostedes trouxeron este expediente ó Pleno no mes de xuño, vostedes son os responsables da súa confección e vostedes deciden cando se somete á consideración do Pleno, ahí nos non interviñemos, en definitiva, os culpables do retraso son vostedes.

Non hai mas cego que o que non quere ver, creemos que este presuposto non é o que necesita Redondela, e repito, non se axusta á legalidade, aínda que o ler o informe do Sr. Interventor a nosa alegación nos entran dúbidas, ou o informe anterior do Interventor era erróneo ou o é agora este, ademáis ¿porqué non emite informe o Sr. Secretario?, o caso é que este presuposto non é o que necesita Redondela, é un presuposto que contempla unha subida abusiva de impostos e non controlan o gasto, é necesario tamén levar a cabo un saneamento económico que non se está a realizar.

En canto as subvencións direille que non todas están regladas, non todas, non hai un concepto do porqué para os mesmos fins a uns colectivos se lles dá unha cantidade e a outros outra distinta.

De inversión xa falei no anterior Pleno e do superavit mellor non falar, é unha artimaña que se utiliza. Repito que o presuposto non se axusta á legalidade aínda que desta cuestión debería pronunciarse o Secretario.

Alcalde: O Interventor de Redondela se lle pode acusar do que se queira menos de falta de rigor no seu cometido de fiscalización e control do gasto.

Interventor: Levo dezanove anos de profesión e ésta é unha das poucas veces que interveño nunha sesión plenaria para dar explicacións da miña función pero creo que é necesario pois sobre ela e sobre os informes meus que constan no expediente, sementáronse certas sombras e dúbidas falándose de criterios disconformes.

Non son criterios disconformes, son informes distintos, un o é o expediente do presuposto e outro ás alegacións presentadas á aprobación provisoria dese presuposto polo que ratifico plena e totalmente o contido de ambas, reitérome nos reparos do primeiro e en todo o exposto no segundo.

Secretario: Sr. Conde como vostede sabe o informe do Secretario é preceptivo en acordos que non requiran o quorum da maioría absoluta dos membros do Pleno, esa é a razón de que non exista no expediente ese informe, é certo que vostede solicitoumo por escrito, escrito que tería que vir suscrito por un tercio dos membros da Corporación e que non o está, a pesar de elo non teño ningún inconveniente en emitilo se o Sr. Alcalde mo autoriza, o certo é que non se emitou por motivos de planificación da propia Secretaría, a próxima vez organizareime mellor a pesar de elo o outro día no meu despacho adianteille a miña opinión sobre o que me solicitaba, dixenlle que o meu xuicio o expediente e a súa aprobación se axustaba á legalidade, comenteille que no expediente existía unha memoria da Alcaldía, unhas bases de execución e outros documentos, que nese expediente emitiu informe o Sr. Interventor que foi sometido á consideración da Comisión Informativa de Facenda que emitiu o seu dictame, que foi coñecido polo Pleno que resolveu os reparos e acordou a súa aprobación provisoria, que foi sometido á información pública que indica a Lei, en definitiva dixenlle que a súa aprobación e o procedemento levado a cabo para adoptala axustábase á legalidade.



NUMERADO
CORPORACIÓNS
LOCAIS

Alcalde: A cuestión creo que quedou clara a tramitación do expediente e a súa aprobación axústase a dereito. Ademáis das reclamacións do grupo do PP existe outra reclamación respecto da que sería conveniente que informara o Sr. Interventor á Corporación.

Interventor: Dado que a reclamación foi presentada no día de hoxe pouco antes do peche do Rexistro Xeral a ésta Intervención foille imposible realizar sobre ela un informe exhaustivo, non obstante sen prexuízo de posteriores ampliacións e detalle incidirá sobre os seus aspectos máis fundamentais aínda que o primeiro que se advirte é que ningunha das cuestións plantexadas no escrito responden os supostos tasados que, referentes a este tipo de reclamacións, menciona a normativa.

O apartado 1º indica a ilegalidade da aprobación por realizarse fora de prazo, con posterioridade ó 31-12-00.

Este prazo non debe considerarse como un imperativo legal, é máis, a propia normativa indica a prórroga automática dos orzamentos no suposto de que a aprobación sexa posterior a esa data.

O apartado 2º advirte dunha falta de exposición no taboleiro municipal de anuncios. Ha de se indicar que tal exposición non é preceptiva, publicouse no Boletín Oficial da Provincia polo que se cumpriu co indicado na normativa nesa cuestión.

A terceira alegación é excesivamente xenérica.

Na cuarta alegación indícase que o presuposto está manifestamente inflado. É tamén unha afirmación moi xenérica que tan so se sustenta con exemplos anecdóticos de deficiente consideración.

Na quinta advirtese que os gastos para obras non están xustificadas. Hemos de dicir que todas as inversións do Capítulo VI figuran no expediente no anexo de inversións.

A sexta alegación menciona a falta de xustificación das expropiacións e menciona a prevista para a ampliación do cemiterio de Mañón. Esa expropiación xustificárase no expediente que se tramite a esos efectos.

A sétima alegación é similar a anterior so que referida ó polígono industrial de "Chan das Pipas". Respecto dela hai que manifestar o mesmo, o expediente do presuposto non é o lugar adecuado para esas xustificacións, tramitárase un expediente e se xustificará esa decisión.

A octava menciona insuficiencia de consignacións para gastos obrigatorios. É unha afirmación xenérica, non detallada nin concretada polo que non cabe considerala.

Na novena alegación indícase que se solicitaron copias do expediente e non se facilitaron. Respecto desta cuestión existe un informe do Secretario compartido por este Interventor e unha Resolución da Alcaldía fundamentadas no informe citado, dita

Serie A N.º 1176053

Resolución ten data do 20 de xuño e un rexistro de saída do día 21 aínda que a data de hoxe no expediente non consta o acuse de recibo da notificación.

Considero, en conclusión, que a reclamación debe ser desestimada.

Conde Romero: O presuposto está erroneamente confeccionado, non existe control nas partidas de ingresos e son demasiados os gastos pendentes de pago. O Concello de Redondela estase a endeudar desmesuradamente. O presuposto non debe seguir a diante vostedes vanse a equivocar. É un presuposto malo para Redondela. Non se axusta á legalidade débese anular e confeccionar un novo temos disposición a que esto se realice consensuadamente. O tempo estalles pasando e o tren lles está pasando por diante da súa porta.

Iglesias Carrera: Non é certo o que vostedes dicen en canto ós gastos sen pagar, a final de ano a deuda reducirase sensiblemente vostede o poderá comprobar, disminuimos os 203 millóns pendentes de pago a un cuarto desa cantidade, a diferenza con vostedes e que vostedes en vez de disminuir esos importes pendentes de pago os incrementaban cada ano, a situación de esos pagos era tan caótica que incluso Fenosa non tivo mais remedio que cortarlles a luz no Nadal, a vostedes ningún proveedor do Concello lles sirviu, hoxe en día a situación cambiou e non existe ese problema.

O caso é que vostede critica pero non da ningunha sola alternativa, presente alternativas, presente un anteproxecto de presuposto e o discutiremos.

VOTACIÓN E ACORDO: O Concello Pleno, de conformidade co informe emitido polo Sr. Interventor Municipal antes transcrito, así como do informe verbal do citado Interventor referido á reclamación formulada por don Ramón Rodríguez Carrera, e tras o debate producido, con trece votos a favor dos/as Sres/as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA Mª DEL PILAR MARTÍNEZ GONZÁLEZ, DONA Mª DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D. CARLOS GONZÁLEZ FERNÁNDEZ, DONA Mª DEL CARMEN RODRÍGUEZ RIVAS, D. XOSÉ CARLOS PAZOS DOCAMPO, DONA CECILIA PÉREZ ORGE, D. XOSÉ LUIS GRANDE GRANDE e DONA ÁNXELES GONZÁLEZ GÓMEZ, e o do Sr. Alcalde e con oito votos en contra dos/as Sres/as Concelleiros/as: D. MANUEL RAMÓN CONDE ROMERO, D. EMILIO SÁNCHEZ SANTORIO, DONA AURORA ALONSO MONTEAGUDO, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. PABLO REBANAL ALFAYA, D. SALVADOR FERMIN PINTOS FERNANDEZ, **acorda:**

Primeiro.- Desestimar a totalidade das reclamacións ao orzamento xeral deste Concello para o ano 2001, presentadas por don Manuel Conde Romero e por don Ramón Rodríguez Carrera.

Segundo.- Resolver, ó abeiro do establecido no Artigo 198.2 da Lei 39/1988 de 28 de Decembro, reguladora das Facendas Locais, tódolos reparos formulados polo Sr. Interventor Xeral no seu informe de data 18.05.01, Rfª.- T 57/00, así como nos informes unidos ó mesmo nos anexos I ó IV, así como ós recoñecementos extraxudiciais de crédito.

Terceiro.- Aprobar definitivamente o orzamento Xeral do Concello de Redondela para o exercicio do ano 2001 (no que figuran integrados xunto co orzamento do Concello os dos dous organismos autónomos administrativos), as súas bases de execución, a memoria da Alcaldía e memoria económico financeira, a Enmenda formulada polo Presidente da Comisión, Liquidacións dos orzamentos do Concello dos exercicios de 1999 e 2000, o cadro de persoal, anexo de investimentos, créditos a recoñecer extraxudicialmente e demais documentación engadida no expediente.

E, non habendo máis asuntos que tratar, pola Presidencia dase por rematada a presente sesión, sendo as vinte e unha horas e cuarenta e cinco minutos da data fixada no encabezamento, en proba de todo o que, se estende a presente Acta, que se inscribiu no Libro dende a volta do folio centotrinta e nove do Papel Timbrado da Comunidade Autónoma de Galicia, Serie A nº 1176047, ata a volta do folio centocuarenta e cinco, Serie A nº 1175063, de todo o que, como Secretario do presente acto, dou fe.

O ALCALDE

O SECRETARIO

Asdo: Xaime Rei Barreiro

Asdo: José Riesgo Boluda